

鳳縣志卷之十

封建

柳子厚謂封建非聖人意歟夫古帝王樹屏之典謂曰
价人維藩大師維垣大邦維屏大宗維翰所以親親賢
賢褒表功德有一益衰深根固本爲不可拔者也羣州
之地唐堯起自侯封漢文來由代郡分封未嘗不義故
謂廢封建而易郡邑其勢使然則可謂封建非聖人意
則不可翼雖最爾區見之書傳載之史冊分茅錫土有
卓卓可紀者作封建志

高辛氏

唐 堯

本紀帝姓伊耆名放勳母陳豐氏女曰慶都感

赤龍之祥孕十有四月而生帝於丹陵育於母
家伊侯之國後徙耆故曰伊耆氏年十有三封陶十
有五封唐爲唐侯堯在位九年諸侯尊帝爲天子年
十有六踐位於平陽以大德王以建寅之月爲歲首
竹書紀年高辛氏四年帝錫唐侯命陶唐氏元年
丙子帝即位居冀通志帝堯高辛氏之第二子也
母帝嚳四妃陳豐氏曰慶都嘗觀三河之首黃雲覆
之震十有四月而生於野陵曰堯是曰放勳身侔十
尺豐下元上龍顏日角人來三昧聰明審微其言不
成其德不回仁如天智如神明如日而晦如陰年十
三佐桀封禪受封於陶明人察物無儀崇仁禁詐僞
正法度不廢窮民不做無告底德靡懈百姓和欣於
是改國於唐勤勞不居位而用禮不貴時巧不視文
飾溫飯饌羹不饒不封禪不莊嚴不敝不更御地祇
土執夏萬天而冬施發枯生民爲人愛費不以出

君湯九市不以私故留耕時年十有七以侯伯踐帝位曰陶唐氏都於平陽以火紀德爲赤帝色尚白黃收純衣彤車白馬乃立三公六卿百揆暨百執事居於明堂斥廛不耕土墾不戢茅茨不斂泊如也重先務急親賢務求賢聖乃更制五服均五等五國相維設四岳八伯以典諸侯均井邑都鄙而臨民以十二牧春省耕秋省斂因地之生美爲貢賦因人之好惡爲政教三歲貢士而賓興之立四學以詔於國而養更老在位七年民不作戒鵩鴉逃於絕域麒麟游於藪澤猶師善綬許由尹中而學於務成子附詢政行人問老衢室務急謹言以爲教先達立建善之旌廷置敢諫之鼓塗說巷議咸所不廢乃命羲和絕地天通羲載上天黎獻下地俾主陰陽視四星以知民之緩急著推術設節首演紀於虛之初建圉敦而首大呂桐挺東廂莢生下庭龜書乃來於是稽莢以正月訪桐以定閏錄龜字而施之分積定時日得故百穀又風雨時百工釐庶功興又放山川谿谷之音以歌八風作大章之樂制咸池之舞而爲經首之詩以享

上帝命之曰大咸爲金三等禺民邊山之玉赤野
光之珠以爲上幣汝漢右滂之金以爲中幣泉貨以
成下幣伐西夏剽丹浦六十二載澤水平復澤兵稱
旅屠長蛇於洞庭射十日繳大風於青邱殺寡寡食
封豕於桑林誅鑿齒於疇華之野戮九嬰於凶水之
上而夷夏廣險易遠近始復道里於是爲世載七
十矣游於康衢聞童子謠曰天生烝民莫非爾極不
識不知願帝之則乃修壇河洛榮光出河休氣四塞
越歲仲春率百工沈璧於洛且告禋事禮聖姑射拜
師沮汝陞首山道河渚遇五老而濟焉乃賞侯伯封
僕弁又東沈書曰夏受圖以歸庶政惟和萬國咸寧
民皆廸吉莫不振動服化比屋可封而濟仁壽焉帝
化格上下信孚升潛慶雲鮮蓍五緯順軌景星炳耀
其露被野神禾滋畝朱草茁牧醴泉洑岫倚嬰生厨
蒲薤茁鳳巢閣榮光幕河河馬輦籙一日而十瑞至
立於靈扉雲生牖坐於華殿松生棟僥民獻其沒羽
封人祝之壽富比隆伏羲後世莫及按舊志謂臺
所封當在晉陽或曰中山唐縣二說非耳又王世家

謂堯生於翼之丹陵後又受封於此爲唐侯指丹山
爲丹陵亦未敢遽信然翼之爲唐無疑也

唐

唐侯丹朱

帝堯子 鄭樵通志虞元載封堯之子朱於
丹爲諸侯以奉先祀服其服禮樂如之謂之

虞賓示弗臣也

路史帝初取富宜氏生朱鰲很娼

克兄弟爲閹豎訟嫚游而朋淫帝悲之爲制奕棋以

閑其情使出就丹帝崩虞氏國之於房爲房侯以奉

其祀夏后封之唐如虞之禮朱卒葬第陽朱生陵以

父封爲丹氏房氏防氏 竹書后稷放丹朱於丹水

按王世家房陵之右曰唐城卽括地志所云故唐

城在絳州翼城縣西二十里卽堯裔子所封者也又

翼乘載舊志云丹朱封于丹淵卽翼丹陵疑卽房陵

也並

存之

夏

翼成系志

卷之二十一 封建

三

唐侯豕韋氏

姓彭祝融之後也丹朱之裔既衰豕韋氏遂侯於此其詳莫可考都翼覆釜山南曰

韋溝數傳至孔甲以劉累代之

豕韋氏失國遷於東郡白馬縣

唐侯御龍氏

姓劉名累堯子丹朱之後居翼龍藝村學擾龍於豢龍氏夏孔甲時天降二龍孔甲

不能食累以其術事孔甲能飲食之孔甲嘉之賜曰

御龍氏以更豕韋之後為唐侯都翼之西曰龍唐後

龍一雌死累潛醢以食孔甲孔甲享之矣既而使更

求之累懼乃遷於魯縣遂失國路史丹朱之兄考

監明帝堯長子也先死而不得立庶

弟九其封於留者為留氏後有劉累

唐侯豕韋氏

彭姓之後也劉累遷魯縣彭姓之豕韋氏復國世次無所考其後為商所滅

商

唐侯豕韋氏

劉累之後也商滅彭姓豕韋氏累後復承其國亦號曰豕韋氏

唐侯叔虞

累之後世代莫考至末世之君曰唐叔虞周公滅之遷其裔於陝西杜縣是為唐杜氏其

君杜伯事周宣王為上大夫已而殺之滅其國其子隱叔奔晉翼姓杜氏為晉士師遂姓士氏其後又姓范氏以上俱見左傳并杜預註

周

唐侯叔虞

姓姬字子于周武王少子成王弟初邑姜方震大叔武王夢帝謂已余命而子曰虞將與

之唐及生有文在其手曰虞遂以命之成王時唐有亂周公滅之而遷於杜其後成王與叔虞戲剪桐葉為珪以與叔虞曰以此封若史佚因請擇日立叔虞王曰吾與之戲耳佚曰天子無戲言言則史書之禮成之樂歌之於是遂封叔虞於唐唐在河汾之東方百里而都於翼箕子聞之曰虞之後必大已而虞得嘉禾異畝同穎以獻成王王使歸周公於東叔為作歸禾而公作嘉禾焉王世家按左傳杜預註云

唐叔始封而春秋傳括地志亦云絳邑縣東翼城是其所謂翼則今之故城也通志以為在太原誤甚

晉侯燮

叔虞子更國號曰晉是為晉侯
國都城記唐

燮父以姚墟南有晉水改曰晉侯
括地志平陽河水一名晉水也

武侯寧族

晉侯燮子

成侯服人

武侯寧族子

厲侯福

成侯服人子自唐叔至此年世失考
左傳成

翼東門
外五里

靖侯宜臼

厲侯福子在位一十八年

釐侯司徒

靖侯宜臼子在位一十八年

獻侯籍

釐侯司徒子在位十一年

穆侯費王

獻侯籍子立四年取齊女姜氏爲夫人七年伐條生太子名曰仇十年伐千畝有功生少

子名曰成帥晉人師服曰異哉君之命子也太子曰仇仇者讐也少子曰成帥成帥大號成之者也名自命也物自定也今適庶名反逆此後晉其能無亂乎二十七年穆侯卒弟殤叔自立

殤叔

獻侯籍少子穆侯費王弟穆侯卒殤叔自立太子也出奔立三年太子仇率其徒襲而逐之

文侯仇

穆侯費王長子逐殤叔而君晉後爲平王侯伯匡輔周室在位三十五年

昭侯伯

文侯仇子立元年封文侯弟成師於曲沃曲沃邑大於翼翼晉君都邑也成師封曲沃號爲桓

叔好德晉國之衆皆附焉七年晉大臣潘父弑昭侯而迎曲沃桓叔桓叔欲入晉晉人發兵攻桓叔桓叔敗歸曲沃晉人共立昭侯子平爲君是爲孝侯

孝侯平

昭侯伯子國人立之初卽位誅殺潘父在位十一年曲沃桓叔子莊伯弑之於翼國人攻莊伯

莊伯復歸曲沃國人共立

孝侯子郄爲君是爲鄂侯

鄂侯郄

孝侯平子本號翼侯在位六年王世家謂左傳曲沃莊伯伐翼翼侯奔隨秋王命虢公伐曲

沃而立翼侯子光於翼六年翼九宗五正頃父之子

嘉父逆翼侯於隨別居鄂晉人謂之鄂侯史記晉世

家以爲鄂侯卒乃有莊伯伐翼號

公立光之事似左傳爲是從左傳

哀侯光

鄂侯郄子號公所立立八年侵陘庭之田陘廷南鄙啟曲沃伐翼九年曲沃莊伯子武公伐翼

次於陘廷韓萬御戎梁宏爲右逐翼侯於汾隰驂絳

而止夜獲之及樂共叔誘其叔降其叔不屈格鬪而

死國人乃立哀侯子小子侯

爲君武公尋使韓萬弑哀侯

小子侯

哀侯光子國人所立有在位四年曲沃武公誘召而弑之周桓王使虢仲伐曲沃武公走入

曲沃虢仲乃立
哀侯弟緡爲君

晉侯緡

鄂侯郤少子哀侯光弟虢仲所立在位二十八
年曲沃武公伐滅之其子孫易姓侯氏散處他

國而叔虞
之適絕矣

武公稱

穆侯費王曾庶孫桓叔成師孫莊伯子滅翼承
其國左傳莊公十六年周僖王使虢公命曲

沃伯以一軍爲諸侯

史記晉世家武公伐晉滅之

盡以其寶器賂獻周釐王王乃命武公爲晉君列爲

諸侯於是盡併晉地而有之更號曰晉武公始都晉

國在位二年王世家謂舊志於武公以下皆不載

其意以爲去翼矣不知始都晉國史記已有明文而

其後又未嘗遷國安得謂非翼事乎按故絳卽今

之翼治也觀左傳魯成公六年晉人謀去故絳則從

前之在翼可知自武公至景公應得載入

獻公詭諸

武公稱子在位二十六年左傳莊公二十
五年夏士蒍城絳以深其宮史記士蒍說

公曰故晉之群公子多不誅亂且起乃使盡殺諸公子而城聚都之命曰絳始都絳 按左傳於城絳下
命不書遷徙而杜預註又明
言絳邑縣其爲翼邑無疑

卓子

史記作悼子獻公少子奚齊弟也獻公卒里克殺
奚齊於喪次荀息將死之或曰不如立卓子而傳
之荀息立卓子以葬獻公十
月里克弑卓子於朝荀息死之

惠公夷吾

獻公子小戎女所生初以驪姬故守屈及譖
殺太子申生夷吾恐奔屈六年獻公使賈華
伐之夷吾乃亡走梁後里克殺奚齊卓子使人迎夷
吾於梁夷吾與呂省郤芮謀乃厚賂秦約曰卽得入
請以晉河西之地與秦又遣里克書曰誠得立請遂
封子於汾陽之邑秦穆公乃發兵送夷吾於晉齊桓
公亦使隰朋會秦俱入夷吾立爲晉君是爲惠公旣
立而殺里克背秦賂且閉之糴秦怒發兵伐晉五年
與秦戰於韓原被虜已
而放還在位十四年

懷公圉

惠公夷吾子初惠公亡梁梁伯以女妻之及圉質於秦秦妻以女圉聞惠公病將逃

廐氏曰與子歸乎對曰子晉太子而辱於此子不亦宜乎寡君之使婢子侍巾櫛以固子也從子歸棄君命也不敢從亦不敢言圉乃亡歸晉及惠公卒因得立是為懷公懷公之亡也秦怨之求得公子重耳欲內焉懷公畏秦伐下令國中諸從重耳亡者期不至盡滅其家秦穆公乃發兵送內重耳使人告樂卻之黨為內應懷公奔高梁丁未文公入絳即位使人殺懷公於高梁

文公重耳

獻公詭諸子狐女所生少好士年十七有賢士五人後以驪姬故備蒲城守秦及驪姬譖

殺太子申生重耳恐不辭而守藩獻公使寺人披往殺重耳重耳踰垣披斬其衣袂遂奔狄居五年里克使人迎之重耳畏殺固謝不敢入及惠公使虢與壯士又往殺之重耳乃亡歷之諸國凡十九年及至秦秦納女五人懷廐與焉二十四年重耳入晉即位於絳是為文公二十五年入王於王城王享醴命之宥

其後侵曹伐衛獻楚俘於王王乃策命文公爲侯伯
賜之大輅之服戎輅之服彤弓一彤矢百旅弓矢千
秬鬯一卣虎賁三百人遂霸諸侯在
位九年左傳寺人披史記作履鞮

襄公歡

文公重耳子史記襄公元年秦繆公發兵往襲鄭過我郊襄公墨衰絰敗秦師於殽虜秦三

將遂退以華交公文公夫人秦女謂襄公曰秦欲得
其三將戮之公許遣之先軫聞之謂襄公曰患生矣
軫乃追秦將秦將渡河已在船中顛首謝卒不反後
三年秦果使孟明伐晉報殽之敗取晉汪以歸四年
秦繆公大興兵伐我渡河取王官封殽尸而去晉恐
不敢出遂城守五年晉伐秦取新城報王官役也七
年八月
襄公卒

靈公夷皋

襄公歡子襄公卒晉人以難故欲立長君趙盾以爲襄公弟雍善賈季謂不如其弟樂盾

使先蔑迎雍於秦賈季亦使人召公子欒於陳而太
子毋繆嬴日夜抱太子以號泣於朝曰先君何罪其

嗣亦何罪舍適而外求君將安置此出朝則抱以適
趙盾所頓首曰先君舉此子而屬之子曰此子材吾
愛其賜不材吾怨子今君卒言猶在耳而棄之若何
趙盾與諸大夫皆患繆嬴且畏誅乃背所迎而立太
子夷臯是爲靈公及壯侈厚歛以彫牆從臺上彈人
觀其避丸也宰夫脯熊臠不熟殺宰夫使婦人持其
屍出棄之趙盾士會數諫弗聽且患之使鉏麇刺盾
不克九月飲趙盾酒伏甲將攻盾士眯明知之而促
盾去公噉樊眯明搏殺樊及伏士出眯明反擊之而
脫盾盾遂奔乙丑盾弟穿襲弑靈公於桃園

成公黑臀

文公重耳少子襄公弟靈公被害趙盾乃使
趙穿迎於周而立之在位七年

景公據

成公黑臀子立十四年晉梁山崩問伯宗伯宗
以爲不足怪十五年謀去故絳遷於新田復命

曰絳而以翼
爲故絳焉

漢

絳侯周勃

沛人也初從高帝拜爲虎賁令及滅秦從入漢中還定三秦東定楚地以將軍從高帝擊

反者燕王臧荼破之易下其所將率當馳道爲多賜

爵列侯剖符世世勿絕食邑八千一百八十戶絳

侯文帝立以勃爲右丞相食邑萬戶居月餘請歸相

印上許之歲餘丞相平卒復以勃爲丞相十餘月乃

免相就國每河東守尉行縣至絳勃自畏恐誅常

甲令家人持兵以見之其後人有上書告勃欲反

廷尉勃之益封受賜盡以予薄昭及繫急薄昭爲

於太后太后亦以爲無反事以冒絮提文帝曰絳侯

綰皇帝璽將軍於北平不以此時反今居一小縣

欲反耶文帝於是使使持節赦絳侯復爵邑絳侯復

就國至文帝十二年卒謚武侯子勝之代侯六歲卽

尙宮主不相中坐殺人國除絕一歲文帝乃擇絳侯

勃子賢者河內守亞夫爲條侯續絳侯後景帝三年

平吳楚中三年以法除其國又終一歲帝更封絳別

子堅爲平曲侯續絳侯卒子建元鼎五年坐酎

金不善有罪國除平帝元始二年復封勃六世孫共

為絳侯邑千戶 按漢時絳合翼曲絳為一縣據舊志高帝封周勃為絳侯在今翼城縣王世家又以為雖治在絳縣而勃之受封則在翼之南絳村故並誌之

絳侯周勝之 絳侯周勃子代勃為絳侯詳見上條侯平曲侯不應入矣故不復並列

北周

翼國公宇文通 天和六年封

翼國公元晟 大象元年七月以天右后父封

唐

翼王李綽 順宗子咸通二年封三年薨

翼國公裴居道 女為高宗太子宏妃天后時封載初元年被害